


Alkitab Anggen Anak Alit

Daniel Lan Para Tawanan



Kasurat olih: Edward Hughes

Kaperagayang olih: Jonathan Hay
Alastair Paterson

Ka tempa saking: Mary-Anne S.

Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya

Kakaryanin olih: Bible for Children
www.M1914.org

©2024 Bible for Children, Inc.

Perarem: Ida dane dados nerjemahang utawi nyalin carita puniki,
nanging nenten dados ke adol.




Dane Daniel lan timpalne ajaka telu nongos di Israel. Sedek dina anu ada raja adiri ane teka ke panegarane buat ngangkut para truna-trunine ane duweg-duweg abane kapanegarane. Adan rajane ento Nebukadnezar lan nongos di tongos ane joh uli Israel ane madan panegara Babel.



Para pemudane ento maan perhatian ane melah di panegara Babel. Ditu lantasi rajane milihin pemuda-pemuda ane paling duweg lan ane parisolahne melah. Rajane ngelah rencana buat ngurukang ia ngomong basa Babel apange bisa kadadiang pengayah buat ngelebarang kerajaanne.




Ajeng-ajengane ditu masih melah pesan. Para pemudane naar apa ane kaajengan olih rajane. Sakewala dane Daniel lan timpalne ajak telu sing nyak naar ajengan ento uli krana ajengan ento kasediang buat para berhala. Dane Daniel suba mejanji ia sing lakar ngelaksanayang apa ane kalarang antuk Ida Sang Hyang Widi, Widin nyane. Widin bangsa Israele suba nitahang apanga bangsa Israele sing lakar ngelaksanayang unduk ane ada hubungane teken para berhala.



Daniel mapengidih teken anak ane ngelah tanggung jawab apange ia baange sing naar ajengan ane ke ajengan rajane. Yening rajane nawang, dane sinah lakar pedih pesan. Nanging Ida Sang Hyang Widi Wasa ngawinang Daniel kasayangin olih anake ento.



Ia lantas setuju buat ngemang Daniel lan timpal ne ajak
telu ujian. Dasa lemeng mekelone Daniel lan timpalne lakar naar
jukut-jukutan lan yeh dogen. Sesubane dasa lemeng Daniel lan
timpal-timpalne ngenah lebih kuat lan sehat yen ka bandingan
teken para pemuda ane naar ajengan ane ka ajengan olih rajane.
Panadine ia makejang tuwah naar jukut lan yeh dogen.




Dane Daniel lan timpalne ajak telu subakti pesan ring Ida Sang Hyang Widi Wasa. Ida Sang Hyang Widi masi nresnain ipun. Ida sang Hyang Widi Wasa micayang kemampuan buat makejang ane suba kaplajahin, lan Daniel kapidayang kawicaksanan buat ngartiayang makejang visi lan misi di masa ne ane lakar teka.





Sesubane telung tiban mekelone di Babel, makejang para pemudane tangkil ring raja Nebukadnezar. Ditu lantane rajane milih Daniel lan timpal ne ajak telu anak ane paling duweg. Sujatine rajane nawang yening Daniel ngelah liu pesan kewicaksanan yen kabandingan ajake anak-anak ane wicaksana ane ada di kerajaan danene.



Sedek dina anu, rikala rahinane suba peteng, rajane ngipi ipian ane jelek pesan. Dane lantias munduhang para peramal, juru ipian lan tukang sihir apange tangkil ring arepan dane. Pangandikan danene, "Gelah ngelah ipian besik, lan gelah dot pesan nawang artin ipian gelahe ento." Salah sinunggal

anak ane wicaksana matur,
"Inggih ratu, dumadak ja palungguh iratu idup selaminnya! Nikayang ja ring para panjak ratune indik ipian ento, titiang pacang nguningayang artin ipian palungguh ratune punika."




Pangandikan sang prabu, "Sing ja keto! Kita patut nuturang indik ipiane ento lan artine. Yen sing keto, kita lakar matiang gelah lan umah kitene lakar tunjel gelah! Sakewala, yen kita ngorahang ipian gelahe lan artine, kita lakar maan hadiah, pengharagaan lan gaji ane gede." Cutetne, sing ada anak ane bisa nuturang ipian sang prabu lan artine.




Salah sinunggal anak ane wicaksana matur ring dane,
“nenten wenten anak ane ada di jagate ene nyidang nagingin
kenginan palungguh iratu, wantah dewa kewanten ane prasida
ngelaksanayang, sakewala ipun tan wenten ring jagate.” Rajane
merasa pedih pesan. “Matiang makejang anak wicaksana ane
ada di

Babel!”
Titah
danene.



Rikala para prajurit ketemu ring dane Daniel, dane mebaos kene teken Ariokh, salah sinungal panglima rajane. "Ngudiang dadi sang prabu lakar ngematiang makejang anak ane wicaksana?" Lantas dane Ariokh nuturang makejang unduk ane kaundangan rajane, teken Daniel. Dane Daniel lantas gegeson tangkil ring sang prabu. Dane nunas galah buat nguningayang ring sang prabu indik arti ipianne.




Lantas dane Daniel mulih ka umahne, lan nuturang makejang satuanne ento teken timpalne Sadrakh, Mesakh lan Abednego. Daniel sing nawang ipian cara apa lan artine, sakewala dane nawang ada ane nawang saluwiring paimana. Nah anake ento tusing ja len wantah Ida Sang Hyang Widi. Ento kranane Daniel lan timpal-timpalne sepakat ngastawa.





Ida Sang Hyang Widi Wasa nyinahang ring dane Daniel indik ipian sang prabu lan artine. Dane Daniel ngaturang puji suksma ring Ida Sang Hyang Widi ring suwargan, lan ngomong kene, "Puji ja Ida sang Hyang idi Wasa buat selamin-laminnya, buat kewicaksanan lan buat saluwiring druwen Idane."



Dane Daniel gegeson tangkil ring sang prabu lan matur, "Wenten Widi ring swarga sane prasida nyinahang rahasia." Dane nyeritayang ring sang raja indik ipian lan artin nyane.



Rikala sang prabu Nebukadnezar mireng indik ipian idane lan artin ne, dane metimpuh di sisin dane Daniel lan ngandika, "Wiakti pesan Widin semetone Widi ane ngelangkungin widi-widi ane lenan, lan Widin makejang rajane, tur nyinahang rahasia, rikala semeton nuturang rahasiane ene!" Ngraris sang prabu nadiang Daniel minakadi anak ane kajiang, lan ngicen hadiah ane liu pesan. Sang prabu nadiang Daniel penguasa buat wewengkon Babel, lan nadi pemucuk anak wicaksana di Babel.



Daniel Lan Para Tawanan

Wenten katuturan carita saking pengandika Ida sang Hyang
widi mewasta Alkitab,


dados sobyahang ring

Daniel 1-2

"Pemargin saking pengandika Ida Ngicenin Karahayuan."

Mazmur 119:130






Puput



31



60



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacén Alkitab tur mapitatur sareng Ida Hyang Widhi ngerahina! Yohanes 3:16

